

SCRIPT OF MORNING GOJRI NEWS BULLETIN 3JAN 2026 1015HRS

مارنگ گوجری نیوز بولٹن 3 جنوری 2026

یوہ آکاشوانی جموں بے باغ علی طہر تیں خبر سُو۔

LG SMVD CALENDAR

لیفٹیننٹ گورنر منوج سنہا نے کل کول بھون مانہ پنچانگ کلینڈر سال 2026 تے شری ماتا ویشنو دیوی شرائن بورڈ غی ڈائری غی پردہ کشائی کی معروف سکالراں تے پُجاریاں غی طرفوں منظم کیا گیا پنچانگ کلینڈر مانہ سال 2026 غی خاص تاریخاں تہواراں تے دوجی مزہبی تقریبات منایا جان غی تاریخاں کی جانکاری مہیا کرائی گئی ہے اس موقع ور بولتا واں لیفٹیننٹ گورنر نے شرائین بورڈ غی طرفوں مزہبی روایات برقرار رکھن ور اُس غی سراپنا کی ہے اُنہاں نے بورڈ غی طرفوں باتریاں نانہہ جدید شمولیت دستیاب کران ور ور اُس غی تعریف کی اُنہاں نے سبز ترکوٹہ پہاڑیاں بارے مہم چلایا جان نالے لنگر سیوا سفائی ستھرائی قائم رکھن بارے سوچھتا ابھیان تے ضلع ریاسی مانہہ 5 مندر وقف کرن غو وی ذکر کیو۔

SATISH GODOWNS INSPECTION

خوراک سیول سپلائز تے امور صارفین محکمہ غا وزیر ستیش شرما نے کل ایف سی آئی گودام غو چان چک دورو لاغے معائنو کیو اُنہاں نے گودام غا ذخیرہ معیار تے عوامی استعمال واسطے اناج غی تسیم غو معائنو کیو اُنہاں نے بکھ بکھ شیڈاں گودورو لاغے ذخیرہ کیا گیا اناج غی حالت غو معائنو کیو اُنہاں نے عہدے داراں نانہہ ہدایت کی ہے وے اناج غی بکھ بکھ قسماں نانہہ علیحدہ علیحدہ ذخیرہ کرن نانہہ یقینی بناویں تے صارفین نانہہ اعلیٰ معیار غو اناج ہی مہیا کرایو جائے اُنہاں نے گودام مانہہ اناج غا ذخیرہ غا معیار نانہہ قائم رکھن ور زور دینا واں باقاعدہ معائنہ غی ضرورت وی ظاہر کی تانجے غیر معیاری اناج غی دستیابی نانہہ روکیو جاسکے اُنہاں نے صارفین غا مفاد تے خوارک تحفظ بارے سرکار غا عہد نانہہ وی دہرایو۔

RANA LEGISLATORS

جنگلات تے جل شکتی محکمہ غا وزیر جاوید احمد رانا نے کل ممبران قانون ساز تے عوامی وفود سنگ اک میٹنگ غے دوران اپنا زیر اختیار محکماں گا معاملان غو جائیزو لیو ان محکماں مانہہ پی ایچ ای تے سیلاب کنٹرول تے امور صارفین محکماں شامل ہیں میٹنگ غے دوران پین غا پانی غی سپلائی آبپاشی تے سیلاب انتظام قبائلی مسائل لکڑی غی سپلائی جے کے ایف ڈی سی ایل ملازماں غا سروس معاملات جن مانہہ پنشن تے ہمدردانہ تقریریاں وغیرہ غا معاملہ شامل ہیں ور غور کیو گیو میٹنگ غے دوران وزیر موصوف نے جائز معاملات غا بر وقت نیبڑا غو یقین دواتاں واں متعلقہ عہدیداراں نانہہ ہدایت کی ہے وے ان معاملان غا ضل غی خاطر فوری کاروائی کریں اُنہاں نے بین محکماں تعاون غی ضرورت ور وی زور پایو۔

POONCH PROPERTY HANDLER

جموں کشمیر پولیس نے کل عدالت غا اک حکم غے بعد ضلع پونچھ غی تحصیل منڈی مانہہ پاکستانی دہشت گردان غا اک معاون غی غیر منقولہ جائیداد ضبط کی ہے اس غیر منقولہ جائیداد مانہہ منڈی مانہہ 6 کنال تے ساڈا 13 مرلہ زمین شامل ہے یاہ جائیداد چھمبر کناری گراں غا بسنیک جمال لون ولد سلطان لون غی مملوکہ دسی گئی ہے جہیڑو بنو پار کرغے پاکستان چلے گیو تھو تے اس شخص ور قومی سلامتی غے خلاف سرگرمیاں مانہہ ملوث ہون غو الزام ہے قانونی عمل تیں لگاتار بچن غی پادرس مانہہ عدالت نے اس شخص نانہہ اعلاہنہ مجرم قرار دے دتو تھو۔

DIGITAL CROP SURVEY

زرعی پیداوار تے کسان بہبود محکمہ غی دائریکٹوریٹ نے مرکزی وزارت غاتعاون نال جموں مانہہ ڈیجیٹل فصل سروے غا سلسلہ مانہہ ڈویژنل سطح غو تربیتی پروگرام شروع کیو ہے یوہ

پروگرام اس مہینہ غی 21 تاریخ توڑی جاری رہ غو اس تربیتی پروگرام غو مقصد جموں صوبہ غا تمام ضلعان غا افسران نانہ زمینی سطح ور فصل بارے درست اعدادو شمار جمع کرن غی خانکاری دینوہے زراعت غا ڈائریکٹر ائل گپتا نے ڈیجیٹل ٹیکنالوجی غی اہمیت ور لوہ پاتال وان دسیوہے جے کساتان غا مفاد غی سکیمان نانہ عملان غی خاطر منصوبہ بندی تے شفافیت مانہ ڈیجیٹل ٹیکنالوجی غو بڑو اہم کردار ہے۔

RING ROAD PLOTS

جموں ڈیولپمنٹ اتھارٹی نے کل 22 رہائشی پلاٹان غی الاٹ منٹ غا سلسلہ مانہ لکی ٹرا غو انعقاد کرایوہے یہ پلاٹ کوٹ بھلوال ہاؤسنگ کالونی رنگ روڈ پروجیکٹ غو حصو این جن مانہ 19 پلاٹ 25 ہائی 50 جد کہ 3 پلاٹ 30 ہائی 60 غی پیمائش ور مبنی این لکی ٹرا غی یاہ کاروائی جے ڈی اے کمپلیکس مانہ منعقد کی گئی تے یاہ کاروائی شفافیت سنگ تے متعلقہ افسران غی موجودگی مانہ منعقد کی گئی اس راہ قریب 10 سال تین ان الاٹیاں غا بقایا معاملہ غو اس کاروائی سنگ نبیڑو ہو گيوہے۔

WEATHER UPDATE

محکمہ موسمیات نے آئیندہ 5 جنوری توڑی موسم خشک رہن غی پیشن گوئی کی ہے جموں گا کئی میدانی علاقان مانہ گہنا کھرا تے مچ کھنا کھرا غی امید ظاہر کی ہے جس نال دیکھن غی معمول غی صلاحیت مانہ کمی آجائے گی البتہ 6 جنوری نانہ شمالی تے مرکزی کشمیر غا اچا پہاڑی علاقان مانہ ہلکی برف باری غی امید ہے اس غے بعد 7 جنوری تین 15 جنوری توڑی موسم ابر آلود رہن غی پیشن گوئی کی گئی ہے محکمہ موسمیات غو کہنوہے جے پہلی اکتوبر تین 31 دسمبر توڑی اس موسم غے دوران بارش مانہ 39 فی صد غی کمی درج کی گئی ہے۔
